

Tutunlap Mi Awewei Ossini

An Neun ewe Fepwun Pworuk

Mark 6:17-29

P

. wunuwen King Herod ewe itan Herodias, a fokun oputufar John ewe soupapatais. Ei soufoss neun Kot a nonom non ewe fonupoon a wenechar me eitangeni Herodias pwe ii emon mi atai pinin an pwupwunu faniten an sikiseni punuwan ewe itan Filip sikingeni pwin ewe mi fokun wate an tufich me weun. Iwe iei ei kiwin mi ngaw a



ekiekin an epwe aea an we pochokun an epwe tongeni nieno John ren an emichimichi King Herod. Aewin a ereni Herodias pwe epwe kalapwusei John iwe murin a ereni pwe epwe nieno John nge Herodias ese mochen. King Herodes mi sinei pwe John ii emon enletin Soufoss iwe ese pwan mochen epwe efisi osukosuk ngeni aramasen non an we mwuu.

Murin Herodias ewe kiwin mi ngaw a fori ew rau. A fori ew watten pary faniten uputiwen Herodes. A pwan kokori meinsin chienan me pwan ekoch aramas mi fou me wou ngeni nenian ewe iwe a erenie neun ewe nengin itan Salome epwe pworuk mwen mesen ewe king, ekewe sokun pworuk mi fokun otupwutupw. Herodias a ekieki pwe epwe akoum asakawa King Herod murin neun a pworuk, iwe ewe king ina epwe eisini Salome ika met e mochen pwe epwe ngeni pwun niwinin an ewe pworuk.

An nemine ewe kokoot mi pwonuta. Murin an neun ewe nengin Salome pworuk, Herod a ereni ew pwon: "Metoch meinsin kopwe ereniei upwe chok ngonuk." Mk

6;23. Nupwen ekewe wasola ra fokun episi ewe king ren mefian ewe, Salome a fen monota an epwe ereni ewe King an ewe mochen. Iwe meinsin ra fokun mairu nupwen a apasa pwe e mochen chamwen John non ew peleich! King Herod a fokun mwetei ika mairu ren mefien Salome ewe. Meinsin ekewe wasola ika aramas non ewe neni ra chok fonofonoo pwe ra witiwiti met ewe king epwe ponuweni ngeni an neun we ewe mochen. Niuokus ika pwe ekewe wasola repwe era pwe ii emon mi chofona me apwangapwang non wisan ewe, ewe King a asopwiseikin fangenong non an neun ewe nengin ewe mochen. Iwe a ereni neun kewe sounfiu pwe repweno nukiato chawen John non ew sepi ika peleich. Non chok ewe raan neun Kot ewe Soufoss mi fokun pochokun a tutun chamwan me non nenien kalapwus. Esapw iei akaewin an emon inelap me nau angang fengen oh pwan aea muu ar repwe nieno me eriafou neun Kot ekewe aramas.

Amasowa ekkei line murin om aneani ekan wokisin.

1. Ifa iten ekewe inenap me nau ra angang fengen pwe repwe eriafou neun Kot kewe aramas non ewe Testamin noom?

1 Kings 18:13 “Ifa usun, esap wor eman a ürenuk en ai samol mine üa föri, lupwen _____ a popuetä le niela nöün ewe Samol mi Lapalap kewe soufos? Ifa usun, kosap rong pwe üa aopala ipükü mwän me lein nöün ewe Samol mi Lapalap kewe soufos, akalime lon eu föimw, üa pwal amongöniir pilawa o aünüür koluk?”

2 Kings 11:1. “Iwe, lupwen _____ inen Ahasia a silei pwe nöün we a ninnila, a allük pwe chon familien ewe king meinsin repwe ninnila.”

Note: Non ewe Testamenin Noom, Jezebel me Athaliah ra fokun itefouno ren ar nemenemengaw non ar nemeni ekewe muun Israel me Juda. Ra eriafou neun Kot kewe aramas ar repw pini ngeni ekewe Kot mi chofona.

© 1999, 2010 Amazing Facts, Inc.
All Rights Reserved



SP19

2. Ifan ewe esinesin seni ewe eruomonun Chon lang non Pwarata 14?

Revelation 14:8 “Ewe aruomanün chon läng a tapweto me mürin ewe aemanün o a apasa, “A _____, a _____, Papilon mi lapalap! A aünü ngeni chon ekewe mwü meinsin ünüman wain mi pwichikar, ewe wainen an mocheisou!”

Note: A wor unungat esinesin non Pwarata 14 repwe tour ngeni unusen fonufan mwemwen an Sises ewe oruwen niwin sefan. Non ei nessen iwe sipwe ngeni ewe oruwen point ren ewe esinesin. An Kot atipisi Babylon pokiten an a asakawa ekewe mwun fonufan ren unumwan ewe wine mi fokun ngaw. Ei esinesin ika porous epwe fokun pochokun ngeni soulangin non katilik me pwan pirostan. Chechemeni pwe ei oruwen esinesin a feito seni ewe sia fokun tongei me aucheani, Sises. Suki netipom me ekiem ngeni ii. A mochen epwe angasakich meinsin seni mano oh afeiochukich.

3. Ifa usun an Kot anapanapa Babylon non Pwarata 17??

Revelation 17:18. “Ewe _____ ka küna, iei ewe telinimw mi lapalap a nemenem won ekewe kingen fanüfan.”

Note: Non puken ossini, fefin a esisinata ewe mwichefel. Emon fefin mi nimonimoch a esisinata an Kot ewe mwichefel mi nimonimoch non Pwarata 12. Ewe fefin mi nimengaw a wewe ngeni ewe mwichefel ese chiwen aneasochis ngeni anon paipel ika anon Kot. A sikeno seni. Sia tongeni sinei ika ifan ei mwichefel mi nimengaw pokiten Pwarata 17:18 e apasa pwe a nemenem non ewe fansoun ei puken Pwarata a keran poputa ne maak. Uruwon fonufan a ereni kich pwe Pagan Rome(Lk 2:1) ewe a fangeno an we manaman me pocokun me an ewe teninimw ngeni Papal Rome.

4. Ikefan ekena pisekin pwarata non Pwarata 17 pwe Babylon mi wewe ngeni ewe Mwichefelin Katilic non Rome?

- A. A tipisin blasphemy (Apasa pwe ii Kot) (verse 3).
- B. Enuwen fouten kewe mi parapar me forket (verse 4).
- C. Mi pwan iteni Inelap (verse 5).
- D. Neun kewe fin amomo ra pwan tur (verse 5).
- E. A eriafou oh nieno neun Kot kewe aramas (verse 6).
- F. Neminei A momot won “fisü chuk”(verse 9).

G. A nemeni meinisin ekewe “kingen fonufan” (verse 18).

Note: Papal Rome mi fokun match ngeni ei awewe. An ewe offesilap a nom non rome- Ewe teninimwe a nonom won fisu(7)чук.” Scarlet ina enuwen ekewe Cardinals nge ewe Pope e ufouf ewe enuwen forket enuwen ufen ekan aramas mi wou pisekisek oh menin. Ewe mwichefel Katilic mi pusin afata pwe non ewe Middle ages ika Dark ages, iir ekewe re eriafou me nieno ekewe Soulang pwan nemenei ekewe kingen fonufan. (Nengeni lesson 13 ren om kopwe kaeo usun an emon fori tipisin Blasphemy pwun ina ena tipis ewe papapin mi tipisin fori) An Kot kei esisin mei fokun pwarano ei mwichefel mi tuur- neun kewe ra poputa me nukumach ngeni iwe ra eitangenir Pirostan. Nengeni meten James A O'brien e apasa, “ Epini Sunday, iei ewe achechem pwe katinik ina ewe inenapen ekewe mwichefel ra suseni ekewe iir mi chok apwonueta Sunday worship.”

¹The Faith of Millions (Huntington, IN: Our Sunday Visitor, Inc., 1974), p. 401.

5. Ifa usun an ew manmwacho non Pwarata 13 me 17 wewe fengen?

Revelation 13:1 Mürin üa küna eman manmwacho a feitä seni lon ewe matau. A wor _____ mächän me _____ möküran. Iwe, efoch me efoch ekewe mächä a wor epa mwärämwär won, nge won eu me eu kewe mökür a mak eu it mi _____ Kot.

Revelation 17:3 Mürin ewe chon läng a uweieila lon eu fanüapö lupwen ai nom lon Ngün. Ikenan üa küna eman fefin mi mot won eman manmwacho mi par. Ei manmwacho a kula won inisin ren it mi _____ Kot. A wor fisu _____ me _____ mächän.

Note: Ewe manmwacho non Pwarata 13:1-10 me ewe manmwacho non Pwarata 17 taitap chok. Iir me ruemon re esisinata ewe mwun Rome. Pwarata 17 e kapas usun an mwichefel me mwuu ra pachefengen. Ewe mwichefel a waani ewe mwun wewen pwe a nemeni ewe mwuu(ewe manmacho). Pwarata 13 epwan ekuna ngeni kich usun ruemon manmwacho ra aweiresi aramas ar repwe pin ngeni. Ewe aewin manmwacho mi wewe ngeni ewe fin nisou usun Pwarata 17 a awewe ngeni kich. Ei nessen sipwe sopweno me kaeo ina epwe aiti ngeni kich ika iowe ewe eruomonun manmwacho e esisinata.

6. Kapasen ian ei fos Babylon pwan met wewen?

Genesis 11:4, 6, 7, 9 Mürin ra apasa, “Ou etto, sipwe aüetä eu telinimw fän itach, pwal eu imw mi tekia, ungan epwe tori läng. Pun sipwe afisätä itach ren pwe sisap toropasfeil won unusen fanüfan. Mürin, ewe Samol mi Lapalap a apasa, “Eu chök mwichen aramas ir meinisin, nge eu chök ar fos lefiler. Ekärän iei poputän met ra föri, nge mürin repwe chök föri meinisin mine ra ekiekin föri, nge epwe chök tufich ngeniir. Ousipwe feitiu ikenan o _____ ar fos pwe esap wor eman epwe chüen wewe ren kapasen eman.” lei mine ewe telinimw a iteni Papilon, pun ikenan ewe Samol mi Lapalap a _____ fosun aramas meinisin, a pwal atoropasafeseniir seni ikenan tori won unusen fanüfan.

Note: Ei kapas Babylon e feito seni ewe kapas Babel wewen osukosuk. Ei kapas a feito seni ewe Tower Babel, ekewe aramas re forata ren ar uu ngeni Kot murin ewe nooter. Ra fokun atekiaai ar fori pwe ra ekieki pwe ika e wor nooter nge resapw chiwen ponunoo fan. Nge ewe Samol a oskuoka ark ewe kapas ina pwata ese chiwen pwonuta ar fori ewe tower oh ra

nikitano. Babylon a pochokuneno iwe a ew mwuu ian ra pin ngeni ekewe niosun Kot mi chofona oh ra pwan fiu ika eriafou neun Kot kewe aramas. Non Pwarata ei kapas Babylon e esisinata ewe mwichefel mi nimengaw, chon uu ngeni Kot ika neun Kot kewe aramas.

7. Ifa usun an Kot awewei nonomun Babylon me ifa usun atapwanapwanan an mochen pwe neun aramas repwe tou seni?

Revelation 18:2-4

A kökkö ren mwelian mi leüömong, “A _____, a tala Papilon mi lapalap. Iei a wiliti eu lenien anün rochopwak me ngün mi limengau. Sokopaten machang mi limengau me anioput ra nonom lon. ³Pun chon ekewe mwü meinis ra puchula ren ar ün ünüman wain, iei ewe wainen an mocheisou. Ekewe kingen fanüfan ra föri föförün lisowu ngeni, nge ekewe chon amömö won fanüfan ra pisekisekila ren chomongun an kewe föför mi ngau.” ⁴Mürin üa rongorong möngüngün eman seni läng a apasa, “_____, oupwe _____ nei aramas seni lon Papilon! Iwe, ousap eti le föri an kewe tipis, pwe ousap angei och seni an kewe feiengau

Note: Kot a pusin apasa pwe Babylon a tuur a winiti imwen ekewe devil me ekewe ngun mi ngaw. Kot a pwan era pwe an tipis a fokun pochokun ngeni Kot pwe Kot a mochen epwe ataieno. Ina pwata neun Kot kewe aramas repwe muttir me tou seni pwe resapw pwan fiti Babylon me nom non ekewe riafou oh kitetereno.

8. Sises a eniwini me apasa pwe Babylon a asakawa fonufan ren unuman ewe wine. Ifa sokun ei wine?

Revelation 17:4 *Having a golden cup in her hand full of _____.* Ei fefin a üföüf üf mi parachol me parapar, a pwal foute ngeni sokopaten fout seni kolt, fau mi aüchea me föün pwei. A amwöchü lepöün eu kap seni kolt mi ur ren sokopaten mettoch mi _____ me _____ an föförün lisowu

Note: Unuman ewe wine a uruno ren chofona mi ngaw (Pro 12:22) ika an osukun mi chofona a asakawa aramas. Nengeni ei list usun ekoch an kei chofona:

- A. Ekewe Engon Annuk ra katanoo (see Lesson 6).
- B. Sunday ew ran mi pin (see Lesson 14).
- C. Secret rapture (see Lesson 3).
- D. Ngunun aramas ese tongeni mano (see Lesson 9).
- E. Riafou feinfeino non Hell (see Lesson 10).
- F. Pwari om tipis ngeni ewe priest (see Lesson 13).
- G. Napanapen papatais mi sokonoo (see Lesson 11).
- H. Speak in tongues mi osukosuk (see Lesson 23).

Ew watten osupwang pwe nupwen emon aramas a etiwa an Babylon kei chofona iwe a weires an epwe tou seni pokiten a sakaweno ren. An ekiek ese chiwen faat. A weires ngeni an emon epwe chiwen etiwa ewe enlet.

9. Meni manama ika pochokun epwe anisi ewe manmwacho non ewe soponoon?

Revelation 13:11, 12. Mürin üa küna pwal eman _____ a feitä seni lon fanüfan. A wor ruofoch mächän usun mächän eman apanen sip, nge a kapas usun eman trakon. ¹²A aea än ewe aemanün manmwacho nemenem mi watte me mwene mesan. A pöchökül ngeni chon fanüfan meinis, pwe repwe fel ngeni ewe aemanün manmwacho, ewe kinasan we a mola.

Note: Fotuki pecheom pwan anukuechu inisum. Ei oruwen manmwacho non Pwarata 13 a wewe ngeni Merika. Nengeni ekan piskein pwarata:

A. Ewe fansoun a pochokuneta.

Kot a awewei pwe ei manaman epwe pochokuneta non ewe fansoun ewe aewin manmwacho a tonong non kaalapwus oh a wor kinasan mi wate mi mano ren(Revelation 13:10, 11). Ewe mwun United States of America a winiti ew mwuu mi pochokun nge a pwan sereni ewe fansoun pochokunen ewe papacy a apwangapwangeno nesoponoon ewe 1,260 ierin ossini, non ewe ier1798 . America a afata an mochen independence non 1776, apwunganoi neur constitution non 1787, adopt ewe Bill of Rights non 1791 iwe non 1798 a winiti ew World power.

B. It arose from the earth A feita seni fonufan.

Ekewe Konik ian ekewe manmwacho ra tou seni ra wewe ngeni neni mi chomong aramas ie(Pwarata 17:15) Fonufan a esisinata neni mi poon ika chokukun aramas. Merika mi fokun wewe ngeni ei sokun pokiten Muun Merika e fisita me won ew fonu mi chokukun aramas ie.

C. Rufoch machan usun emon Lamb.

Non ossini, emon Lamb a esisinata Sises, mechan kewe a wewe ngeni manaman ika pochokun. Ekewe rufoch machan ra wewe ngeni pwe ei muu epwe wor muu fesenin pochokunen muu me namanam. Ekewe aramas re suuri Merika pokiten ar suseni ewe ninino soulang seni nemenemen muu me namanam. Ra forata ew muu epwe wor ngaseno seni pochokun mwuu me namanam. Eseor king ese pwan wor pope.

10. Anongonong non ei ossini, ifan ena ekesiwin epwe fiss ngeni Merika?

Revelation 13:11 “Mürin üa küna pwal eman manmwacho a feitã seni lon fanüfan. A wor rufoch mächän usun mächän eman apanen sip, nge a _____ usun eman _____.”

Note: Kapas usun dragon wewen pwe Merika epwe nom fan nemenien Satan iwe epwe ekesiwin iwe Muu me Namanam repwene pwan chuusefan. Epwe awor an annuk pwe epwe auwesi aramas ar repwe fori nge ika rese fori iwe repwe eriafou(wokisin 15-17) ika fen niireno.

11. Ikefan ekena unungat(3) manaman me pochokun repwe kochu fengen pwe repwe uu ngeni neun Kot kewe aramas non ewe fansoun soponoon?

Revelation 16:13 Mürin üa küna ülüman ngün mi limengau ra wewe ngeni kairü. Ekei ngün ra towu seni lon awen ewe _____, seni lon awen ewe _____, pwal seni lon awen ewe soufos _____.

Note: Ewe dragon Satan(Pwarata 12:9) a angang non ekewe namanamen pagan. Ewe manmwacho non Pwarata 13:1-10 ewe Papacy. Ewe Soufoss chofona non Pwarata 16 a wewe ngeni Pirostan non Merika. Ewe chok pwan manmwacho non ewe puken Pwarata 13;11-17 rufoch machan usun emon lamb nge a kapas usun dragon. lei ewe manaman ika pochokun epwe otupwu chomong oh fori amwararen manaman. “ Epwe otupwu meinisin chon nom fonufan ren an fori manaman mwen mesen ewe manmwacho.” Pwarata 13:13,14(anono ngenik Pwarata 19:20.)

12. Ekkei unungat(3) pochokun mi sakofesen repwe pochokun ar ra tipew fengen?

Revelation 16:14 Ir anün rochopwak mi föri manaman. Ekei ülüman ngün ra feila ren ekewe _____ unusen fanüfan ar repwe achufengeniir, pwe repwe maun lon ewe rän mi lap än Kot ewe mi Unusen Manaman.

Note: Ewer Kot e apasa pwe repwe Kochufengen. Nengeni echu pwe repwe angang fengen ren ar epwe aparasa fetanei chofona oh fori ew mwuu repwe uu ngeni neun Kot kewe aramas. Ena maun an Ewe Samol Mi Napanap mi wewe ngeni usun an ewe dragon a noo pwe epwe maun ngeni murimurin ewe fefin kewe. (Revelation 12:17).

13. What effective methods will this end-time coalition utilize Ikefan ekena rau repwe aea fengen ar repwe otupwu ngeni neun Kot kewe aramas?

Revelation 16:14 Ir anün rochopwak mi föri _____. Ekei ülüman ngün ra feila ren ekewe kingen unusen fanüfan ar repwe achufengeniir, pwe repwe maun lon ewe rän mi lap än Kot ewe mi Unusen Manaman.

Revelation 13:13, 14. Ei aruomanün manmwacho a afisätä manaman mi _____. A pwal tongeni awora ekkei mi feitiu seni läng won fanüfan mwen mesen aramas meinisin. ¹⁴Ren ekei manaman a mwümwütä ngeni pwe epwe föri mwen mesen ewe aemanün manmwacho, a _____ ekewe aramas meinisin mi nom won fanüfan. Ewe manmwacho a üreni ekewe aramas, pwe repwe aüetä eu uluulun fän iten ewe manmwacho, ewe a fen kinas ren ewe ketilas, nge a chüen manau.

Note: Ei kochufengen epwe fokun fori sakopaten manaman mi napanap meren ekewe ngun mi ngaw seni ekewe devil iwe napengeni unusen fonufan repwe fokun tupuwuno ren (Pwarata 13:3). Pwarata 18;23 a apasa, “ Seni an peut ika manaman unusen ekewe muu repwe tupuwuno”

14. Met epwe tumunu ika epeti neun Kot kewe aramas pwe resapw tupuno?

Isaiah 8:20. Apwi, oupwe chök rongorong än Kot kewe _____ me _____. Nge are ousap apwönüetä ekei kapas, esap wor remi saram

Note: Neun Kot kewe aramas repwe fokun sotuni metoch meinisin ika pwun iir mei fetio seni non Paipel. Iir resapw fokun tupunoo pwe repwe fokun sotuni ika pwun ekkei ngun me osukun ra feito seni Kot ika seni ekewe devil.

Om finata

Ikenai, Kot a kokori neun kewe aramas repwe tou seni Babylon oh tonong non an we mwichefel mi enlet. A apasa pwe ekewe ra amwochuwmooh non Babylon repwe pwan fiti Babylon me angei ekewe riafou. Non ewe fansoun Noah fokun 8 aramas ra tikenong non ewe waaime Kot a awora faniten ar manau ese much. Meinisin ra mano. Ikenai Kot a anukunuku ewe mwichefel pwe iei siwinin ewe waimw iwe mi wor aramas ra tonong non. Ikenai Sises a pwan kokoruk pwe kopwe tonong “ami meinisin non ei waaime” Gen 7:1. Kose mochen, kopwe apasa ewer ngeni Sises ikenai?

Ponuwan mereom: _____

Ekoch sopusopun aninis epwe anisi om kaeo ei nessen

Ifa ukukun Pochokunen manamanen Maria me Rome?

Pwarata 13 a afatau pwe non ewe fansoun soponoon, ewe papacy me USA repwe kochufengen pwe repwe emweni fonufan ar repwe pin ngeni ewe manmwacho. Met ekkei ruu mwuu mi tongeni apwonueta ei metoch?

Ei papacy ew watten pochokun non pekin namanam me muu non unusen fonufan. Meinsin Muun fonufan mei wor neun embassador seni ika non ewe Vatican City. Meinsin muu won fonufan mi fokun meniniiti ika etiwa ewe Pope. Former USSR Leader Mikhail Gorbachev a apasa, “Metoch meinsin mi wor ika fiss non ekewe fonu Ennefenin Europe non ekewe ier esapw tuficihin pwonuta ika esapw punun an ewe pope achocho me pwan wisan ewe, wisan pwan non politics”¹

Ina epwe ukukun fan 50 Pope a fen pwani fonufan ren an angangen ochufengeni mwichefel non fonufan pwe repwe nonom fan emwenien ewe papacy leadership nesoponoon ei century.

Ikenai Merika a winiti ew watten pochokun. Pochokunen neun sounfiu a fokun nununoo.” Merika iei an fonufan ei saingonoon Superpower”²

“Pochokunen Merika ikenai a tongeni nemeni mokutukutun fonufan ikenai” Ossini non Paipel a fokun afataechu pwe USA me ewe Papacy repwe kochufengen, Ikenai non fonufan sia kuna usun ei angang fengen pwun a poputa me foruta.



¹ *Toronto Star*, March 9, 1992, p. A-1.

² “The UN Obsession,” *Time*, May 9, 1994, p. 86.